

廬山金石匯考

卷上

廬山志副刊之一

册一

地7325
36.924
部四四一

匯考
廬山金石

宗慈



序

廬山金石既載目於志并擇要分注以簡馭繁其體要也夫金石有關沿革僅存其目將毋有文獻不足徵之歎况今失紀載後將無徵故以全文入本刊名曰廬山金石匯考蓋一以存目一匯其全庶幾詳略各有所盡凡分二卷上卷碑銘鐫刻類碑記塔銘等屬之分別存佚各系朝代其撰入生存者採列近代下卷題識鐫石類古今題名凡鐫崖石者屬之編依本志山川勝蹟路次再以朝代爲序其名貴之碑鐫則製珂羅版以存其真用供考古者瀏覽焉吳宗慈述



廬山金石匯考

序

一

廬山志副刊之一

金石匯考目錄

卷上 碑銘鐫刻類

晉

釋慧遠佛影銘 廬山詩 劉遺民蓮社發願文 晉太元石碑

南朝宋

謝靈運東林佛影碑記 遠公祖師塔銘

南朝齊

謝顥廣福觀碑

隋

歐陽詢西林道場碑

唐

虞世南上大林寺復寺記碑 唐刻尊勝陀羅尼經幢 大中八年造
像 李邕復東林寺碑 崔黯復東林寺碑 柳公權書 李肇東林寺

廬山金石匯考

目錄

二

廬山志副刊之一

經藏碑 李德裕大孤山賦 李演遠法師影堂碑 廬山女道士石
碣銘 李玘太平宮九天使者廟碑記 白居易江州興果寺律大德
湊公塔碣銘并序 東林寺經藏西廊記 唐撫州景雲寺故律大德
上弘和尚石塔碑銘并序 李訥東林寺舍利塔銘 劉軻廬山黃石
巖院記 廬山具壽大師塔銘 李湜佛馱舍利碑 許堯佐熙怡大
師塔銘 鄭素卿唐故廬山西林寺水閣院律大德齊朗和尚碑 釋
雲真西林寺水閣院經藏銘

五代

梁沈璇簡寂觀碑 楊吳 元皓慧遠影堂記 南唐 馮延巳開先
寺記 韓熙載真風觀碑 彭瀆舍利塔記 倪少通太乙觀董真人
殿碑銘 朱遵度棲賢寺碑 王翰石刻須菩提像

宋

徐鍇陳氏書堂記 蘇軾菩薩泉銘并序 李氏山房藏書記 蘇轍

棲賢寺新修僧堂記 直節堂記 黃庭堅開先禪院修造記 書七
佛偈 周敦頤愛蓮說附朱熹書後 昭德觀李太白詩刻 張天覺
神運殿記 楊傑昭德觀碑 米芾書江淹從冠軍建平王登廬山香
爐峯詩碑 白鹿洞詩碑 張耒冰玉堂記 張拭南康軍新立濂溪
祠記 朱熹濂溪書堂記附張芑山跋 折桂院行記 臥龍菴記
西源菴記 壯節亭記 白鹿洞賦附虞集跋 跋蘇文定公直節堂
記 敬齋箴康熙時句章周□□書 書濂溪先生拙賦後 跋伊川與方道輔
帖 書康節誠子孫文又書真蹟後 陸九淵白鹿洞書院講義附朱
熹跋 冰玉堂記 呂祖謙重建白鹿書院記 趙師夏六老堂記
趙善璪濂溪書堂謚告石文 白玉蟾太平宮記 廬山養正先生黃
君仙遊碑 授墨堂記 趙孟頫書中峯本禪師修東林寺疏 書白
居易草堂自記

元

廬山金石匯考

目錄

三

廬山志副刊之一

虞集鹿洞新田記 白鶴觀記 重建東林寺碑 馬應翔龍君記
明

太祖周顛仙人傳碑 王禕遊鹿洞記 六老堂記 圓通寺鐵鐘金
文 黃養正重修天池寺記略 胡儼重建書院記 李齡重修書院
記 張位復修廟宇記 邵寶觀泉賦 彭時重修白鹿洞書院記
李賢重建書院記 何喬新重建書院記 張元楨重修白鹿書院記
王守仁正德庚辰平宸濠題識 東林寺詩碑 柳邦傑錦澗橋記
李夢陽白鹿洞書院宗儒祠記 獨對亭銘 釣臺亭記 開先寺
詩碑 湛若水四勿總箴 徐岱開先寺詩碑 朱厚焜靜菴和尚碑
顧珀御碑亭記 梁尙德大觀亭記 王溱廬山讀書臺記 胡松
格言碑 濂溪祠碑記題後 黃國卿白鹿洞用韻示諸生碑 羅洪
先性空禪師塔銘 紫霞真人編蒲書遊白鹿洞歌 童潮周濂溪墓
記 釋崇端眞公塔銘 王畿重修書院記 張純題周濂溪先生愛

蓮說 蕭端蒙遊白鹿洞詩碑 鄭廷鵠白鹿洞講義四首示諸生碑
楊廉宗儒祠記 林山白鹿洞詩碑 田瑄白鹿洞忠節祠記 夏
煒修鹿洞書院記 潘志伊興復書院記 神宗護藏敕新刊續入藏
經序 申時行聖母印施佛藏經讚有序 馮夢禎黃龍寺開山第一
世徹空禪師塔銘碑 龍藏碑 李得陽濂溪墓詩碑 韓光祜同梁
懸黎廉憲遊白鹿洞詩碑 鄒元標詩碑 陳經遊開先寺詩碑有序
沈九疇白鹿洞示諸生詩碑 葛寅亮修鹿洞書院 摹刻吳道子
畫孔子像 南康府署側詩碑 王成位淨妙院記 王思任重修大
能仁寺碑記 釋憨山德清徑山達觀可禪師塔銘 廬山千佛寺恭
乾敬公塔銘 廬山雲中寺敬堂忠公塔銘 吳應賓明廬山五乳峯
法雲禪寺前中興曹溪嗣法憨山大師塔銘 廬山歸宗禪寺毘盧丈
六金像碑記 錢謙益憨山大師廬山五乳峯塔銘 達觀大師傳節
文 方拱乾重修西林寺碑銘 熊汝學造東林寺銅塔金文 祁逢
廬山金石匯考

目錄

四

廬山志副刊之一

吉重建廬山東林寺神運殿碑銘 吳應茶遊東林寺詩碑 釋密菴
西林寺鐘記 東林寺殘刻彙記 宋之盛善山寺碑 文德翼廬山
免給茶引碑記 黃雲師東林寺重建五如來殿碑銘 黎元寬重建
萬杉寺記

清

龔鼎孳遊西林題塔田序 李應元重修萬杉寺記 蔣超書廬山歸
宗寺復生松記 蔡士英重修白鹿書院記 熊維典重興白鹿書院
記 釋函昱舍利銘并序 吳煒重修白鹿書院記 倫品卓重修白
鹿書院碑記 宋犖濂溪港書院記 重修開先寺碑記 廬山詩
邵長蘅撰宋犖廬山詩序 安世鼎御書閣碑記 冀霖廬山石道人
墓誌銘 重修白鹿書院記 劉蔭樞廬山開先寺記 張志棟開先
寺記 康熙丁亥御書江淹香爐峯詩碑 郎廷極秀峯寺記 毛德
琦廬嶽祠記 葉謙大楚上人塔銘 萬承蒼棲賢寺羅漢圖記 劉

廷璣重修秀峯寺大殿記 張景良秀峯寺記 白潢御書樓香火田
碑記 蔣國祥重建二賢祠記 王思訓重修廬山秀峯寺碑記 干
建邦原泉亭記 江殷道龍開河浮橋碑記 雍正御製迦陵音國師
碑文 重修圭璧峯碑記 陶靖節祠祝文 陶靖節先生墓誌 重
建金輪峯舍利寶塔記 戴第元初至白鹿洞詩碑 重修醉石館記
涂相白鹿洞詩碑 公立陳太守教思碑 重修瞻雲天王殿碑
孫慎登白鹿洞亭子望五老峯詩碑 舍利鐵塔經文 釋慶宜復生
松記略 翁方綱東林寺詩碑 寶國華西澗讀書臺記 醉石館詩
碑 全德重修暢觀亭記 楊紹芳白鹿洞詩碑 方體重建雙橋記
崔掄奇重修濂溪書院祠宇記 狄尙綱勅封溥福廣濟廬嶽神祠
碑文并序 陸夢龍甘泉橋記 吳名鳳能仁寺記 蔡錦青重修濂溪
書院記 朱榮重建潯陽驛七橋記 帥芳蔚重修流芳橋記 邱建
猷重築流芳橋碑記 羅澤南重修濂溪墓記 吳坤修龍雲寺記
廬山金石匯考

目錄

五

廬山志副刊之一

盛元修復二賢祠記 王鳳池題歸宗晉王右軍墨池詩碑 秀峯寺
詩碑 王以愨廬山牯牛嶺簡易初等小學碑記 開先寺詩碑 釋
諦閑廬山中興海會寺至善和尚塔銘 劉廷琛陶靖節先生祠堂記
民國

袁延闓大林寺衝劃界碑

近代

閔祖騫重修遠公塔碑 許止靜重建廬山東林文殊閣碑誌 陳三
立花徑景白亭記 王家坡聽瀑亭記 李拙翁大林寺放生池記
吳宗慈鐵船峯靜觀亭記 天池寺清涼臺修路記

(附載)白鹿洞存碑目

卷下 題識鏡石類

山北之部

山南之部

廬山金石匯考

重修廬山志
編纂主任 吳宗慈輯注

卷上 碑銘鐫刻類

晉

釋慧遠事蹟詳志人物

佛影銘 并序 佛影今在西那伽訶羅國南山古仙石室中度流沙從徑道去此一萬五千八百五十里感世之應詳於前記也

碑佚

夫滯於近習不達希世之聞撫常永日罕懷事外之感是使塵想制於玄襟天羅網其神慮若以之窮齡則此生豈遇以之希心則開悟靡期於是發憤忘食情百其慨靜慮閑夜理契其心爾乃思霑九澤之惠三復無緣之慈妙尋法身之應以神不言之化化不以方唯其所感慈不以緣冥懷自得譬日月麗天光影彌暉羣品熙榮有情同順咸欣懸映之在己罔識曲成之攸寄妙物之談功盡於此將欲擬夫幽極以言其道髣髴存焉而

廬山金石匯考

卷上

晉

六

廬山志副刊之一

不可論何以明之法身之運物也不物物而兆其端不圖終而會其成理玄於萬化之表數絕乎無形無名者也若乃語其筌寄則道無不在是故如來或晦先跡以崇基或顯生塗而定體或獨發於莫尋之境或相待於既有之場獨發類乎形相待類乎影推夫冥寄爲有待耶自我而觀則有間於無間矣求之法身原無二統形影之分孰際之哉而今之聞道者咸摹聖體於曠代之外不悟靈應之在茲徒知圓化之非形而動止方其跡豈不誣哉遠昔尋先師奉侍歷載雖啓蒙慈訓託志玄籍每想奇聞以篤其誠遇西域沙門輒餐遊方之說故知有佛影而傳者尙未曉然及在此山值屬賓禪師南國律學道士與昔聞既同並是其人遊歷所經因其詳問乃多有先徵然後驗神道無方觸像而寄百慮所會非一時之感於是悟徹其誠應深其信將援同契發其真趣故與夫隨喜之賢圖而銘焉廓矣大象理玄無名體神入化落影離形迴暉層巖凝暎虛亭在陰不昧處暗愈明婉步蟬蛻朝宗百靈應不同方跡絕兩冥其一

芒芒荒宇靡勸靡獎淡虛寫容拂空傳像相具體微冲姿自朗白毫吐曜
昏夜中爽感徹乃應扣誠發響留音停岫津悟冥賞撫之有會功弗由曇
其二

旋踵忘敬罔慮罔識三光掩暉萬象一色庭宇幽藹歸途莫測悟之以靜
震之以力慧風雖遐維塵攸息匪伊玄覽孰扇其極其三

希音遠流乃眷東顧欣風慕道仰規玄度妙盡毫端運微輕素託彩虛凝
殆映宵霧跡以像真理深其趣奇興開襟祥風引路清氣迴於軒宇昏明
交而未曙髣髴鏡神儀依稀若真遇其四

銘之圖之曷營曷求神之聽之鑒爾所修庶茲臣軌映彼玄流激情靈沼
飲和至柔照虛應簡智落乃周深懷冥託宵想神遊畢命一對長謝百憂
其五

晉義熙八年歲在壬子五月一日共立此臺擬像本山因以寄誠雖成由
人匠而功無所加至于歲次星紀赤奮若貞於太陰之墟九月三日乃詳

廬山金石匯考

卷上

晉

七

廬山志副刊之一

檢別記銘之於石爰自經始人百其誠道俗欣之感遺跡以悅心於是情
以本應事忘其勞於時揮翰之賓僉焉同詠咸思存遠猷託想異聞庶求
賢之重軌故備時人於影集大通之會誠非理所期至於佇襟遐慨固已
超夫神境矣

廬山詩碑佚

崇巖吐氣清幽岫棲神蹟希聲奏羣籟響出山溜滴有客獨冥遊徑然忘
所適揮手撫雲門靈關安足闢流心叩玄扃感至理弗隔孰是騰九霄不
奮冲天翮妙同趣自均一悟超三益

豫章詩話云廬山古石刻有遠公廬山詩卽崇巖吐氣清一首又云慧
遠此詩爲廬山有題詠之始按此詩刻石應在東林使石今存不僅爲
廬山題詠之始卽以石刻論紫霄峯下石室禹刻字外似無更古者儻
得於瓦礫堆中偶爬梳見之不幾爲廬山瓊寶乎陳舜俞廬山記載慧
遠廬山略記并游石門詩序刊石於寺是亦應收入金石因已載入游

記叢鈔故略之 豫章詩話以慧遠廬山詩爲廬山有題詠之始考晉祖台之撰志怪載建康小吏曹著爲廬山君迎至廟君夫人呼其女婉出撫琴而歌辭旨豐美詳見雜識是在漢時廬山已有題詠矣雖事涉神仙荒杳然晉去漢未遠固明明有此紀載矣

劉遺民事蹟詳志人物

蓮社發願文碑佚

維歲在攝提格七月戊辰朔二十八日乙未法師釋慧遠貞感幽奧霜懷特發乃舍延命同志息心貞信之士百有二十三人集於廬山之陰般若雲臺精舍阿彌陀像前率以香華敬薦而誓焉推斯一會之衆夫緣化之理既明則三世之傳顯矣遷感之數既符則善之惡報必矣推交臂之潛淪悟無常之期切審三報之相催知險趣之難拔此其同志諸賢所以夕惕宵勤仰思攸濟者也蓋神者可以感涉而不可以迹求必感之有物則幽路咫尺苟求之無主則渺茫何津今幸以不謀而僉心西境叩篇開信

廬山金石匯考

卷上

晉

八

廬山志副刊之一

亮情天發乃機象通於寢夢欣歡百於子來於是雲圖表暉影侔神造功由理諧事非人運茲實天啓其誠冥運來萃者矣可不尅心重精疊思以凝其慮哉然其景績參差功德不一雖晨祈云同夕歸攸隔卽我師友之眷良可悲矣是以慨焉胥命整襟法堂等施一心亭懷幽極誓茲同人俱遊絕域其有驚出絕倫首登神界則無獨善於雲嶠忘兼全於幽谷先進之與後升勉思彙征之道然復妙觀大義啓心貞照識以悟新形由化革藉芙蓉於中流蔭瓊珂以咏言飄雲衣於八極汎香風以窮年體忘安而彌穆心超樂以自怡臨三塗而緬謝傲天宮而長辭紹衆靈以繼軌指太息以爲期究茲道也豈不宏哉

晉太元石碑

西林寺殿左客堂懸石刻小牌一面書聲揚八極名振十方八字上下款爲晉太元二年開山第一叢林勅賜廬山西林寺主人慧永等字審石爲翻刻不足重也

南朝宋

謝靈運

下邳人小名客兒工文章襲封康樂公宋受晉禪遷左衛率後徙廣州得罪棄市

東林佛影銘有序 碑佚

夫大慈宏物因感而接接物之緣端緒不一難以形檢易以理測故已備載經傳具著記論矣雖舟壑緬謝像法猶在感運欽風日月彌深法顯道人至自祇洹具說佛影偏爲靈奇幽巖嵌壁若有存形容儀端莊相好具足莫知始終常自湛然廬山法師聞風而悅於是隨喜幽室卽考空巖北枕峻嶺南映澗濶摹擬遺量寄託青彩豈惟像形也篤故亦傳心者極矣道秉道人遠宣意旨命余製銘以充刊刻石銘所始實由功被未有道宗崇大若此之比豈淺思庸學所能宣述事經徂謝永眷罔已輒罄竭劣薄以諾心許微猷秘奧萬不寫一庶推誠心頗感羣物飛鶡有革音之期闡提獲自拔之路當相尋於淨土解顏於道場聖不我欺致果必報援筆興言請溯其慨

廬山金石匯考

卷上

南朝宋

九

廬山志副刊之一

羣生因染六趣牽纏七識迭用九居屢遷劇哉五陰卷矣四緣遍使轉輪苦根迤邐迤邐未已轉輪在己四緣雲薄五陰火起疊疊正覺是極是理動不傷寂行不乖止曉爾長夢貞爾沈誠以我神明成爾靈智我無自我實承其義爾無自爾必祛其僞僞旣殊途義故多端因聲成韻卽色開顏望影知易尋響非難形聲之外復有可觀觀遠表相就近曖景匪質匪空莫測莫領倚巖輝林傍潭鑒井借空傳翠激光發罔金好冥漠白毫幽曖日月居諸胡寧斯慨曾是望僧擁誠俟對承風遺則曠若有概敬圖遺蹤疏鑿峻峯周流步欄窈窕房櫳激波映墀引月入窻雲往拂山風來過松地勢旣美像形亦篤彩淡浮色羣視沈覺若滅若無在慕在學由其潔精能感靈獨誠之云孚惠亦孔續嗟爾懷道慎勿中惕弱喪之推闡提之役反路今覩發蒙茲覲式勵厥心時逝流易敢銘靈宇敬告震錫

遠公祖師塔銘

謝靈運撰現存遠公塔內額曰遠公塔銘 明刻

法師諱慧遠姓賈雁門樓煩人弱而好學年十三隨舅令孤氏游問許洛

二十一欲渡江就范宣子時王路尙梗有志不遂遇釋道安於關左一面定敬以爲真吾師也抽簪落髮求真道場沙門曇翼每資燈燭之費安聞曰道士誠知人法師藉曠劫之神明表今生之靈智道情深邃識鑒淵遠般若無生之微道行息心之觀妙理與高悟俱徹冥宗與遠心等至安常嘆曰使道流中國其在遠乎太元初襄陽旣沒振錫南遊考室廬阜結宇傾巖同契不命而景嚮聞道誓期於霜雪自以年至耳順足不越山桓氏以震主之權苦相屈致法師確然真固辭以老疾終莫能屈俄而制使沙門盡敬王者法師懼大法將淪格言萬乘桓知不可強俯而順焉旣道漸中山名流遐域外國衆僧咸來向禮非夫道深德廣焉能使顯默同歸異域致敬但新經未表晉地律藏歷年莫正禪法甘露國所未開實相宗本人有異說法師深存遠圖大援羣生乃命弟子遠迎禪師究尋經本踰歷葱嶺跨越沙漠彌曠年稔並皆歸旋胡本旣得傳譯搜尋備盡法教是故心禪諸經出自廬山幾乎百卷又以心本二無卽色三家之談不窮妙實

廬山金石匯考

卷上

南朝宋

十

廬山志副刊之一

乃著法性理論理深辭婉獨拔懷抱羅什見論而嘆曰漢地未見折經便闡與理合若夫溫心善誘發必遠言棲寄林嶺遊興能徹雖復風雲屢由而無昭昧之情俯仰塵化之域游神無生之門所謂言斯可法行斯可樂矣自枕石漱流始終一槩恬智交養三十餘載春秋八十三命盡絕傾遺言露骸松林同之草木達生神期旣於此矣古人云道存人忘法師之謂凡我門徒感風徽之緬邈傷語晤之永滅敢以淺見揚德金石辭曰 九流乖真三乘歸佛道往絕跡慈還接物孰是發蒙昭哉慧日攝亂以定閑邪以律妙法常存悠悠莫往若人乘生皎如月朗遠賞鑒物知狹知廣息心空谷訓徒幽壤秦皇雄惑蔽理通情主孫偏解達死滯生夫子之悟屢劫獨明仰高契峻俯深懷清惟峻若隔迥絕惟高惟深志崇智潔昔在香積今也明哲嗣之有人實隆廢缺捷度練數甘露流津律藏拂故法性增新凡厥希道日知好人景薄命盡宗傾理湮寒暑遞易悲欣臯壤秋蓬四轉春鴻五響孤松獨秀德音長往節有推遷情無異想

大明正德八年歲次癸酉夏六月朔當代住持僧慈釗奉欽差提督學校江西按察司副使李公命敬鑄立石

右塔銘係據搨本錄文爲明正德八年住持僧慈釗鑄石與桑紀所載文校勘頗有訛誤之字書法稚弱不足取也查康樂集中祇有慧遠上人誄不載此塔銘夫虞道園集中不載復東林寺碑文黃山谷集內不載毀壁序文以此爲例似未可因集中不載卽斷爲僞作考高僧傳慧遠傳曰謝靈運爲造碑文銘其遺德又蓮社高賢傳慧遠傳亦曰謝靈運爲撰碑文張野作序通志略金石所載同又但宗臯云靈運作遠公塔銘在恭帝元熙二年庚申惜不載其出處故用備載示闕疑焉其異文及誤字校勘如後

桑紀標題爲慧遠上人塔銘張野序(搨本文爲遠公祖師塔銘)道流東國(搨本東誤中)懼大法之將淪(搨本缺之字)又以心本無空(搨本爲心本二無)漢地未見斯經(搨本斯誤折)命盡絕嶺(搨本

廬山金石匯考

卷上

南朝宋

十一

廬山志副刊之一

嶺誤傾(搨本)道存人亡(搨本亡誤忘)王孫偏解(搨本王作主)實隆廢(搨本)缺(搨本缺作缺)律藏弗故(搨本弗誤拂)悲興臯壤(搨本興誤欣)

南朝齊

謝顥

下邳人字仁悠少簡靜宋末爲豫章太守齊永明初選文學歷吏部郎

廣福觀碑碑佚

謹按古潯陽記先生名續字子希周時師柱下史老聃得久視之道結茅於南鄣虎溪之上修煉七百年定王常問柱下史伯陽父方今神僊之在世者伯陽父舉五嶽諸僊以對先生其一也王召之日先生不見後二百載威烈王復遣使以安車迓之未至之二日白日輕舉使者訪其隱所僅有草廬焉回奏因命南鄣山爲靖廬山邦人以先生姓呼匡山又曰匡阜至今其鄉若社因先生而命名虎溪由是爲三十六福地漢初以灑之天柱爲南嶽鄣山爲之貳武帝元封五年南巡狩登祀天柱常望秩焉旣而射蛟潯陽江中顧問此山何神也有對以先生成道此山者由是封爲南極大明公建中靖國初封爲淨明真人

廬山金石匯考

卷上

南朝齊

十三

廬山志副刊之一

隋

歐陽詢 臨湘人字信本仕隋爲太常博士唐太宗時官太子率更令善書有藝文類聚一百卷皆隋以前遺文祕籍

西林道場碑碑佚

蓋聞不生不滅圓照徧知無去無來冥機虛寂言語既窮心行亦斷利見鹿苑興誦誘之權倚迹鷲山導汲引之路一音稱物隨類得解三達教闡迷途自識慧日騫幽法雨遐濟德暢忍土是謂能仁然喻月譬鏡宜有隱顯彷彿宗極抑資圖鑄道冠域中金剛爲大故神塔湧見靈刹相望先有曇比丘俗姓竺氏本爲趙將知苦器之難安悟浮生之易盡以榮利爲桎梏視名聞爲羈絆屏棄誼說專修真寂虛舟觸遠津渡罕槩玄風獨扇息心無侶匡阜北嶺地接層峯日月之所縈迴雲霧之所蒸液激白水於紫霄照離暉於石鏡南瞻五嶺北睇九州貞遯忘歸幽棲是卜法師秉心萃止負錫來儀樹宇山間遊情梵表及遷卽化藉草崖間有息慈慧永河內繁氏高足稱首人師物匠儀無虛位理必淵源服道御身引善被物形性

廬山金石匯考

卷上

隋

三

廬山志副刊之一

兩忘寃親等觀故異香入室猛獸馴階紹修主業安禪結宇晉光祿卿潯陽陶範慕彼清聲遊茲勝地崇信正道擁篲式閭爲出俗之藩籬爲入室之櫺欂興建佛寺締構伽藍指景瞻星鳩徒揆日薙草開林增卑架巘夷峻築臺疏巒抗殿長廊繞澗斜砌環池冬煖夏涼經行畢備命曰西林是歲太和之一年永公化緣將盡曾無憂生之嗟冥照幽通豈若逆旅之舍其日山房晦寂側塞幡花洞戶凝深鏗鏘音樂歡喜合掌奄然終謝年八十三法師運載羣品舟梁大法翹羽蠹族咸知締向賈遠法師德高人世道被幽冥能屈萬乘之尊申其再三之敬相望江海獨在伊人言發響依契同符合自爾戒定接式龍象咸泊感不虛至功有歸焉但年代推薄寺宇凋敝慧達禪師太原王氏世歸至德物仰高韻爲善終日匪憚劬勞自東徂西興建佛事爰自金城至於淮水亘陸遵渚莫匪教門宅古樓空因心自遠虛室生白房櫳引靄四部翹誠頭目頂禮禪師報云欲於道場營建七間重閣勸募之侶咸白其誠以大業二年爰戒匠人匪日斯就逶迤

飛閣秀出干霄延表層軒俛視無地爐香與峯雲共鬱鐘聲與幽谷合響
有頃達公往長沙模寫瑞像及刻優填王像卽輕舉扁舟俄而旋返所造
法身光相殊特勢超鎔楷功踰琢磨丹腹競姿紫銑爭耀力雖人就妙乃
神輸大業七年達公寂滅次有東林道生法師樹明因於往劫夔慧果於
今生忘己濟物纂修厥緒寺僧智正以爲樹道風於長世詒德範於來葉
莫若勒茲紺碣題以玄碑寓言雕篆稽首作頌乃爲銘曰

二儀肇判萬品流形恩愛煩惱續紛靡甯三彰四倒瘳惑焦明十纏九結
寵辱相驚遭迴三界輪環四生慾流長驚薪火不停誰其拯物獨有能仁
紆情緯識卽果明因開方便門示彼玄津雨大法雨洗滌深塵佛日雖隱
宏道在人爰有開士粵來萃止鏟跡銷聲爲法忘己置想依空求真得理
異人載挺大法舟航希踪祇樹標建道場披榛剪棘抗陸浮梁切漢干霄
含星浴日岩谷虛靜林樹閒謚晏坐經行道糧權實法門無二義揆歸一
總駕大乘終始竟畢像教有形取諸相質靈宇方固金剛不遷希夷至道

廬山金石匯考

卷上

隋

古

廬山志副刊之一

緬邈遐年須彌有盡法炬長燃咸慕偈讚敬勒雕鐫

釋興澈曰按生公本傳爲宋文帝時人前隋幾二百年歐公次之慧達
禪師之後豈東西林有二道生耶爰質所疑于此康熙毛志

歐公此碑撰于隋大業十三年慧達禪師于大業七年圓寂道生法師
且在慧達禪師之後以秩次年代推之歐公與生公同時而或且親見
之所謂宋文帝時之生公乃蓮社十八賢中之道生當非此文中所言
者也

按廬山西林道場碑渤海公撰公爲隋太常博士時作不著書人名氏
而字法老勁疑公之書也西林道場者僞趙將竺氏捨俗出家名曇現
始居於此晉太和二年光祿卿陶範始爲現弟子慧永造寺而號西林
攷兩京記隋嘗更名佛寺爲道場此碑大業十三年建也顏魯公寓題
碑陰百餘字尤奇偉九江府志引集古錄

廬山西林寺道場碑大業中歐陽詢撰通志金石略

唐大中題名在道場碑文之陰輿地紀勝

顏魯公西林題名爲唐永泰丙午歲輿地紀勝所謂大中題名者卽陳舜俞廬山記碑目所列碑陰有大中十年五人題名也

廬山金石匯考

卷上

隋

十五

廬山志副刊之一